



## **Universitätsbibliothek Paderborn**

### **Instructio practica ...**

De Munere Concionandi, Exhortandi, Catechizandi - Continens non tantùm  
praecepta ad artem concionandi descendam accomodata, sed etiam Ideas  
& Conceptus praticos pro Concionibus in Festis B. V. & SS. Dedicationis,  
Patrocinij, Novi Anni, Paschatis, Parasceves; item in Primitiis Sacerdotum,

...

**Lohner, Tobias**

**Dilingæ, 1679**

Caput V. De praxi Conciones in Patrocinio Templi instituendi.

[urn:nbn:de:hbz:466:1-48347](#)

ten suam retinere. & uxoribus, aliisque Domesticis non nimis conniveant. 4. Uxoribus Speculum ludicum, in quo turpis videatur etiam amœna alioqui facies, ut discant, pulchritudini corporali non nimis fidere, & majorem internæ palchritudinis curam habeant, 5. Juvenibus pannus pro veste, ut discant multò magis animæ ornamenta, puta virtutes, scientias, urbanos mores, quam corporis sectari, & quæc.

## C A P U T V.

### De Praxi Concisiones in Patrocinio Templi instituendi.

Cùm de hac materia vix ullus ex impressis Concionalioribus Conciones alias proposuerit; aliunde tamen compertum sit, non levem aliquos difficultatem sentire in ejusmodi Concionalibus fructuosè, & ad ipsum etiam tempus accommodatè instituendis, ideo huic etiam difficultati lenienda breviter Idea aliqua cum aliquot conceptibus ad conciones de eadem materia instituendos servientibus hoc capite proponetur.

#### Exemplar

Concionis de ipso Patrocinio instituendæ.

#### Thema.

Posui Custodes de habitatoribus Jerusalem, angulos per vices suas, & unumquemque contra domum suam. 2. Esaïæ 7.

#### Scopus.

Otentendum, quomodo dies Patrocinij Templi fructuosè sit peragendum.

#### Syllogismus principalis.

Memoria magni beneficii est magno affectu & fervore celebranda; Atqui dies Patrocinii est memoria magni beneficii, ergo magna devotione & fervore quoque celebranda erit.

#### E X O R D I U M.

Sapienter quidem ab Ecclesia institutum est, ut Singulis annis cuiusque Templi Patrocinium celebraretur, sed non immo-

Immerito vereri quis videtur posse, paucos esse, qui inter-  
tum ab eadem Matre nostra Ecclesia fructum referant. S-  
enim singulos, qui ejusmodi Patrocinio inter sunt, accuratis  
examinare licet, deprehenderemus clarissime, paucissimum  
esse, qui scirent, quid sit Patrocinium, quare institutum, an  
quomodo fructuose celebrandum sit. Quare ut vel hodie  
salem à meis Auditoribus Patrocinium majori cum servis  
ac fructu celebretur, hæc omnia tria capita paulò fasilius ex-  
plicabo, confidens, vos in Patroni hujus Templi honore  
non omnes modò à me tradendas doctrinas cum magna at-  
tentione & aviditate excepturos, sed pari etiam studio & al-  
critate executioni mandaturos.

*Pars Prior.*

Atque ut à prima quæstione, nempe quid sit Patrocinium  
initium faciam, ante omnia notandum est discrimen inter  
Dedicationem & Patrocinium, quæ à plurimis sane, Germanis  
maxime, ob affinitatem nominis, pessimè confunduntur.  
Pro codem habentur. Sciendum itaque, Dedicationem nihil  
aliud esse, quam illum diem, quo memoria beneficij per  
templi consecrationem accepti solemniter peragitur in Eccle-  
sia; Patrocinium vero esse illum diem, quo festiva mem-  
oria illius Sancti, in cuius honorem Ecclesia quæpiam ex-  
structa, ejusque tutelæ ac Patrocinio commissa est, Solemniter  
celebratur; à primo enim die, quo ædificata est quæpiam  
Ecclesia, & consecrata sub titulo ac invocatione talis Sancti,  
mox Patronus talis ac Sanctus curam, eamque quadruplica-  
gerere cœpit totius Parochiæ Ecclesiæ illi subjectæ. Et  
quidem ipsius Templi, impetrando à DEO illis, qui tem-  
plum tale frequentare solent, varias gratias, ut dignè in es-  
dem conversari, id est, devotè orare, attentè conciones audi-  
re, Sacraenta fructuose obire queant. 2. Curam suscep-  
Personarum ad illius Ecclesiæ Parochiam pertinentium, pri-  
quibus ita vigilat, ut, quantum est de se, dicere posse optet il-  
lud Christi Jo. 17. *Pater, cùm essem cum eis, ego servabam eos in  
nomine tuo. Quos dedisti mihi, ego custodiri, & nemo ex eo  
periret, nisi Filius perditionis;* id est, qui sponte perire voluit, &  
ad me non confudit. 3. Pecorum etiani curam suscepit, ut  
multi haecenus experti sunt, & quotidie experiuntur, si flos-

cetè ipsi auxiliu imploraverunt iij, ad quos pertinent ejusmodi pecora. Unde devoti talis Patroni cultores quotidie sua pecora ipsi per certas preces commendare solent, certò sibi persuadentes, non alium meliorem, quam hunc pecorum Custodem se eligere posse, utpote quem DEVS ipse illis assignaret. 4. denique ipsorum etiam Agrorum & Domorum eu-ram & custodiam suscepit; hunc enim in finem Ecclesia in medio Agrorum vel domuum plerumque velut specula, eis Wachthaus adificatur; in eundem etiam finem, si tempestas aliqua immineat, Campanæ templi pulsantur, ut illarum pulsus sint quasi voces, quibus Parochiani suum Patronum in auxilium vocent. Ad hæc officia obeunda sicut Patronus templi electus & constitutus est, ita à Parochianis quoque Ecclesia hoc beneficium grato animo voluit agnoscere, & singulis annis festivam illius memoriam celebrari, atque hanc ipsam celebrationem Patrocinium appellari decrevit.

## Pars Secunda.

Quia verò non cuivis notum est, quâ ratione hoc Festum celebrare, suæque adeò erga tantum Patronum obligationi vicissim satisfacere debeat, ideo hoc ipsum quoque breviter ostendo, atque, sequentia præcipue officia præstanta. 1. Recolenda beneficia per totum annum ab eo collata, gratia-que convenientes, quâ verbis, quâ operibus agenda; quod quidem utrumque apertissimè præstabitis, si templum studiosè frequenteris, per varias preces cum magna attentione & fer-vere persolutas DEUM & sanctum Patronum dignè collau-detis, & ipsa denique SS. Eucharistia & Pœnitentia Sacra-menta actualiter, aut, si hoc fieri ob graves causas non possit, spiritualiter saltem per ardens desiderium ea suscipiendi, re-ligiosè suscipiatis. Certè si unquam aliás, hoc die maxime decens est, ut præmissâ confessione ad sacram mensam ac-cedatis; nam aliorum quidem Sanctorum Festa ob communia vobis & aliis hominibus exhibita beneficia communi etiam titulo duntaxat ad festivam celebrationem invitant; hoc au-tem Festum, sicut specialia, & vobis solis collata beneficia ac-favores à S. Patrono Templi exhibitos in memoriam revo-cat, ita speciali quoque vos titulo obligat, ad Festum hoc præcipua devotione & obsequiis DEO & Sancto gratissimis

Instrucl. VII.

Q

(qualia

(qualia haud dubiè censeri debent Confessionis & Eucharistia religiosè suscepta Sacra menta) celebrandum. Hoc ergo die exclamare quisque vel maximè debet cum S. Davide Ps. 113. *Quid retribuam Domino (& sancto Templi Patrono) pro munib; quæ retribuit mihi & Calicem salutaris (id est, SS. Sacramenti) accipiam, & nomen Domini (& sancti Patroni) ardenter invocabo; vota mea (& proposita vita) serio emendandæ) Domino (& Patrono) reddam in conspectu omnium populi, in medio tui Ierusalem.* Verum non contentos vos eloquuntur hoc obsequio, sed ulterius etiam & 2. veniam exponere oportet omnium negligentiarum in ejusdem cultu personarum admissarum, ideoque clamandum frequenter & ferventer cum servo Evangelico Matth. 18. *Domine, patientiam habe in me, & omnia reddam tibi.* Hodie vel maximè renovare oportet propositum ac decretum, quo sanctum hunc colim in Patronum eligimus, eundemque debito cultu & honore constanter venerari decrevimus. Hodie his aut similibus affectibus eum alloqui & interpellare decet. O sanctissime N. amice DEI fidelissime, gratulor tibi ex animo de omnibus honore ac gloria, qui tibi sive in terris, sive in celis, aut obtigit hactenus, aut deinceps obtinget, optoque unicè, ut quotidianè magis augeatur, idque ipse etiam pro viribus procurabo. Gratias subinde tibi, quam possum maximas ago pro omnibus beneficiis tam corporalibus, quam spiritualibus, quæ & mihi, & Parochianis omnibus tum alias, tum hoc maximè anno quamplurima exhibuisti, optoque unicè, ut non verbis duntaxat, sed ipso etiam opere gratissimum exhibeam queam. Certè quod negligenter adeò hactenus id praefiterim, atque in tuo etiam cultu & veneratione tam tepidus & inconstans extiterim, ex corde dolco, & erubesco, atque adeò per amorem DEI mei & tui, nec non per gloriam tuam, &, per quidquid possum, supplex rogo, ut & veniam tantarum negligentiarum ipse benignè concedas, & eandem ab ipso etiam misericordissimo DEO efficaciter impetrare digneris una cum copiosa gratia, quæ vel nunc hanc socordiam studiè devitare, tuoque & DEI servitio cultuique totum me mancipare valeam; id sanè uti unicè desidero, ita per te quoque efficaciter obtainere confido, ideoque nunc denuò, licet undique Patrocinio tuo indignus, fretus tamen pietate ac misericordia

sericordia tua singulari, ac Zelo, quem erga meam & aliorum  
Parochianorum salutem tam præclarè hastenus ostendisti, te  
omni possibili demissionis & fiduciae affectu in singularem  
meum & omnium meorum Domesticorum, imò & reliquo-  
rum Parochianorum Patronum, Advocatum, & Protectorem  
eligo, firmiterque statuo ac propono, me non solùm ipsum  
deinceps nihil amplius contra tuum honorem acturum, sed  
neque permisurum, ut à meis subditis quicquam agatur; o-  
mnia verò, quæ ad honorem tuum vel hactenus præstare con-  
suevi, vel deinceps facere decrevi, singulari cum diligentia,  
fervoreque peracturum. Obscro te igitur, suscipe nos in  
Clientes tuos perpetuos, adesto nobis in omnibus actionibus  
nostris, & tuis precibus, ut feliciter eas perficiamus, juva:  
adesto quoque in periculis omnibus, & contra Hostes nobis  
interitum molientes potenter nos defende: adesto denique in  
hora mortis nostræ, & tuis inspirationibus, auxiliisque sic di-  
rigere, & conforta, ut in terribili illo & periculo agone feli-  
citer victoriam obtinentes, vitam nostram juxta exemplum  
tuum gloriose & optato exitu concludamus, atque in tuam  
& aliorum Sanctorum beatissimam Societatem adlecti, pro  
nostris simul & tuis beneficiis supremum nostrum Bene-  
ficiorem DEUM perpetuò tecum collaudemus. Amen. Hoc  
sanè modò, si & veniam à sancto nostro Patrone peteretis, &  
totos vos denuò cum vestris Domesticis, Pecoribus, & Agris  
ejus Patrocinio, cultuique commendaretis, haud dubiè gra-  
tissimum ei obsequium hodie præstaretis, efficeretisque, ut  
ille vicissim novo fervore vos in Clientes suos susciperet, &  
fortius, fideliusque, quam unquam alias ab omnibus malis  
protegeret, omniūque bonorum abundantiam à DEO im-  
petraret; maximè si & tertium obsequium, quod à vobis ul-  
terius hodie requiritur, simili fidelitate diligentiaque præ-  
stetis, nempe ut reliquum quoque hujus Festi tempus, pome-  
ridianum scilicet, cum Sanctitate, modestia, concordia, &  
spirituali lætitia transfigatis; quod quidem tanto impensius  
vobis ipsius vestri Patroni nomine commendo, quanto pau-  
ciores, proh dolor! reperiuntur, qui hac in parte obligationi  
suz satisfaciunt. Ceterè si experientia consulatur, depre-  
hendetur, plerosque in ea vanissima persuasione esse, quod  
Patrocinium eo præcipue sive sit institutum, ut & Nundinae:

Q 2

cele-

celebrentur, & Parochiani cum Vicinis & Amicis suis inter compotationes, saltationes, aliāq; lusus, lātitiaēq; argumenta hunc diem transfigant; hinc sit, ut, qui manē DEUM & Sanctum Templi Patronum, laudibus, precibus, aliisque pijs obsequiis devotè colebant ac venerabantur; à prandio ebriete, rixis, blasphemis, detractionibus, deceptionibus, scđis colloquiis, & luxuriosis actionibus gravissimē iterum offendant. Quod quidem quām indecens & absurdum, imò & nocivum sit, vel proprio vestro judicio divinare facile potestis, dicite namque, si bonum quempiam & fidelem Amicum, quo plurima beneficia accepissetis, & plura adhuc speraretis hodie in meridiano prandio liberaliter quidem, benevolè que tractaretis, sed finitis epulis, minaci vultu, verbisque injuriosis ex domo vestra expellere cōsistit, an non hoc facinus indignissimum, & nullo satis suppicio expiandum censeretis? an non omni vos deinceps amore & favore tanti amici indigos arbitratremini? & meritò sanè, atqui idem facturos vos creditote, si, quem manē precibus, aliisque pijs operibus coluistis Patronum, à prandio gravibus peccatis, insolentisque iterum offendatis. Ne ergo vobis hoc accidat, Apostolicum præceptum Philipp. 4. datum studiosè observeate: *Gaudete in Domino semper, iterum dico vobis gaudete. Sed Modestia & frastra nota sit omnibus Hominibus.* Sequimini exemplum Aaronis & Seniorum, de quibus Exod. 18. legitur: *venerūntque Aaron & omnes Seniores Israël, ut comedenter panem cum n* (Petro videlicet) *coram DEO.* id quod jam olim etiam S. David Ps. 67. suafit dicens: *Iusti opulentur, & exultent in congl̄etu DEI, & delectentur in letitia.* Hoc sanè si egeritis, sperare non immerito poteritis, non modò vos Festum hoc & Patronum vestrum cultu gratissimo coluisse, sed optatum etiam ejusdem Patrōni patrocinium pro voto obtenturos. Ecce enim jam ultrò in Altari paratum se ad vestram protectionem se fistit: jam iterum ex Altari ad vos illa S. Davidis Ps. 47. verba repetit: *Invoca me in die tribulationis, & eruam te.* Nec dicatis, s̄epe jam vos hoc fecisse, & tamen pecora vestra agrōsque gravia damna percessos fuisse. Non, inquam, hos dicatis, nam respondeo t. non sufficere, ut invocetis, id est, corde mundo (nam Peccatores DEUS & Sancti non exaudiunt) id faciatis, & debitæ venerationis cultum constanter

exhibeatis; ita enim jam olim suasit S. Joannes 1. c. 3. dicens:  
*Charissimi, si cor nostrum non reprehenderit nos, fiduciam habemus ad DEVUM (& sanctum Patronum templi nostri) & quidquid petierimus, accipiemus ab eo.* Et haec sane potissima causa est, eur toties adhuc tam gravia damna patiamini, quia nec invocatis Patronum vestrum, nec colitis, ut debetis, hinc sicut Castos Pecorum vestrorum, si debitum ei solarium negaret, utique & ipse promissam vobis custodiam negaret, ita & vobis S. Patronus promissam vestri, & agrorum, peccatumque protectionem negat, cum & vos ipsi debiti cultus obsequium negetis. Quod si tamen quispiam etiam constantem & ferventem in hoc cultu fuisse advertat, & tamen optatum patrocinium non expertum se queratur, huic secundò respondeo, protectionem Sancti non in eo consistere, ut nullum vobis infortunium, aut casum adversum evenire permittat, ut multi falsò sibi persuadent, sed in hoc magis, ut omnia proprie dicta mala, quantum est in se, amoveat; sicut Patris officium non in eo consistit, ut nunquam Filium castiget, aut castigari permittat. Sed ut peccata, quæ sola maximè nocent, dedoceat Filium, impediātque. Aliud ergo est apparenſ, aliud verum malum, tribulatio apparenſ malum est, sed verum malum non est, quia, si ritè toleretur, summorum bonorum causa exiſtit; hinc S. Apostolus Jacobus c. 1. dixit: *Omne gaudium existimare, Fratres, cum in varias tentationes incidentur: in vestra ergo potestate est bonum ex iis elicere, nam diligentibus DEUM, teste Apostolo ad Rom. c. 8. omnia cooperantur in bonum.* Solum igitur peccatum verum malum est, quia hoc solum nullius boni causa per se esse potest, hoc solum privat nos omnis & summi boni possessione; tum ergo S. Patronus seduli Protectoris erga Vos officium exercet, si vel omnia à Vobis infortunia arceat, vel certè, si D E O decreta est, vobis aliqua pro vestra salute permettere, gratiam impetrat, ut patienter feratis immissam tribulationem, frumentaque adeò centuplum ex ea referatis, id quod Sedulos S. Patroni nostri Cultores quotidiana experientia experiri censeo.

*Epilogus.*

Agite ergo, dilecti Auditores, & vel hodie denuò Patrocinium  
Q 3

cinium hoc eo fervore & alacritate peragite , ac si hodie pium hoc templum ædificatum , & sanctus N. in Patronum vobis assignatus esset. Date ergo operam , ut supra explicita capita tantò ferventius erga ipsum observetis , quam plura ex illorum observatione commoda jure merito potest sperare. Sic ille quoque vicissim omnia Patroni erga vos officia sedulò implebit , & tam vos , quām Domesticos vestros Pecora , & agros ita custodiet , ut vitam vestram feliciter Christianè transfigere , ac claudere , & cum eodem jucundum Festum in omnem æternitatem celebrare possitis. Amen.

*Alii Conceptus.*

I. Potest etiam non inutiliter Patronus Templi Salvaguardiæ , ut vocamus , comparari. Et 1. quidem benefici hujus magnitudo ostendi , tum ex dignitate & affectu illius qui dedit talem Salvaguardiam ; tum ex qualitatibus illius qui datus est , quòd nempe posse ob robur extraordinarium i DEO concessum : sciat ob miseras nostras , & modum juvandi in & per DEUM cognitas ; & velit defendere eos , qui culti diae suæ sunt commissi , utpote quos velut Fratres & Cohædes summè diligit : Tum ex fine , propter quem datur talis Salvaguardia , scilicet ut à fævissimo hoste corporis & animæ interitum moliente , & bonis temporalibus atque æternis privare fatagente per eam defendamur. In 2. parte ostendatur quæ vicissim à Parochianis obsequia tali Salvaguardiæ praestari debeant ; videlicet 1. ut cum magna benevolentia , gaudióque suscipiatur , in Patronum eligatur , promptiusque ad obsequia animus ostendatur. 2. Ut nihil committatur quo graviter offendì queat. 3. Ut Victus quotidianus ei diligenter offeratur , id est , certæ preces quotidie ad ejus honorem recitentur ( mirè enim Sanctos demeretur modica , sed fervens & constans oratio , ut patet in milite flagitioli quotidie unicam salutationem Angelicam recitante , & quatuor decim annis à Dœmonis sub servi forma eidem servientis insidiantis machinationibus defensi ) sed & ipsa opera nostra quotidiana post DEI , Christi , & B. V. gloriam ad ipsius honorem ordinentur. 4. Ut subinde gratior ei recreatio vel convivium instituatur , id est , Festus ipsi dies vel alias confessione , Communione , meditatione de ipsius vita , recitatione

Officii

Officii divini aut aliarum precum, generosaque sui victoria  
in quocunque genere celebretur. 5. Ut periculo imminen-  
te cum magna fiducia invocetur, & in aliis quoque necessita-  
tibus consilium, auxiliūque illius frequenter expetatur. 6.  
Ut agnoscantur beneficia ipsius grato animo, ipsæque etiam  
gratias frequenter, immo quotidie persolvantur.

II. Potest ex occasione illorum Verborum 2. Mach. 15.  
*Hic est Fratrum amator, & Populi Israël : hic est, qui multum  
orat pro Populo, & universa sancta civitate : Patronus Tem-  
pli Advocato in bonum totius Parochiæ constituto compara-  
ri. Et 1. ostendi, quam præclarus & potens sit Advocatus ;  
tum quia DEI, apud quem pro nobis intercedere debet, sum-  
mus, summèque dilectus amicus est : tum quia merita sua  
præclara velut potentissima motiva & argumenta affert: tum  
quia Clientes suos singulariter diligit, illorumque causas non  
aliter, ac si propriæ forent, in Curia cœlesti pertractat : tum  
quia modico paucorum obsequiorum salario contentus est.  
2. Potest ostendi, quid Auditores erga talēm Advocatum ob-  
servare debeant, videlicet, ut magnam de ipso estimationem  
& fiduciā habeant : Ut causas suas & necessitates ipsi fideliter  
explicant, & commendent : ut quocunque exitu sint con-  
tent, & si non obtineant, quod petunt, non desistant à fidu-  
cia erga ipsum concepia, sed credant, se melius quid impe-  
trasse : Ut salarium debiti cultus diligenter ac fideliter suo  
tempore persolvant, gratiasque etiam ore tenus crebro & fer-  
venter agant.*

III. Potest etiam ex occasione thematis : *Ite ad Ioseph,*  
*¶, quidquid ipse vobis dixerit, facite: Gen. 41. Patronus Tem-  
pli, Pro-Regi summi Regis, id est, DEI comparari. Et 1.  
ostendi, quomodo respectu totius Parochiæ perinde Prorex  
& DEO sit constitutus, sicut Joseph toti Ægypto præpositus  
est; & quod proinde eadem fidelitate ac providentiâ alimen-  
ta necessaria sit provisurus, quam Josephus Ægypto prospexit.  
2. Pariter ostendi potest, quod sicut olim Pharaon ijs, qui fru-  
mentum perebant, dixit : *Ite ad Ioseph &c.* ita & DEUS modò  
velit, ut in suis necessitatibus Parochiani ad hunc suum Pa-  
tronum configiant, &, quidquid ipse dixerit, faciant. 3.  
Ostendatur, quid ipse potissimum dicat, & præcipiat, nimi-  
tum id, quod olim Josephus Ægyptiis Gen. 47. dixit: *Quin-**

*ram partem Regi dabitis (nempe gloriam & honorem, de quibus dixit: Gloriam meam alteri non dabo) quatuor reliquias permitto vobis in sementem &c. Excitentur proinde, ut iustae & propitiæ DEI voluntati pareant, ad hunc Proregem cum magna fiducia confugiant, & quintam suorum laborum & fructuum partem, id est, gloriam DEO fideliter offerant reliquias quatuor, id est, necessaria ad corporis & animæ festinationem tanto liberalius accipere mereantur juxta illud Ecclesiæ in Hymno Corporis Christi: Sic nos tu visita, sumus colimus.*

IV. Potest ex occasione illorum verborum Tob. 5. p. 19.  
*& inquire tibi aliquem fidelem virum, qui est tecum salvo mercede sua: Ductori comparati. Et 1. ostendi, quod omnes hac in vita Peregrini sumus, & exules ad Patriam nostram tendentes. 2. Pariter ostendi potest, quam periculorum, & acceptus sit hoc iter, quamque adeo merito bono & fido Ductor opus habeamus. 3. Probari potest, quomodo omnes bona Ductoris qualitates Patronus Templi continet, præcipue quod viam nobis ad Patriam nostram non tam verbis, quam factis præeundo ostendat, id quod aliquot celebriorum facinorum narratione confirmari potest. 4. Ostendi potest, quam mercedem petat pro sua hac charitate, eam scilicet, quam olim Raphaël ab utroque Tobia c. 12. petijit dicent: Benedicite D E V M, & narrate mirabilia eius. Excitentur proinde Auditores, ut diligenter inspiciant vestigia hujus Ductoris sui, eisque intrepidè succedant, & petitam ab eo mercedem fideliter offerant.*

V. Potest ex occasione sententiæ à DEO olim ad Moyensem prolatæ Exod. 25. Aspice, & fac secundum exemplar, quod tibi monstratum est: ostendi, quod DEUS Patronum Templi Parochianis velut exemplar vitae recte instituendæ propoluit. Unde breviter narrari potest vita illius, simùlque ostendi, quomodo eum in præcipuis virtutibus & actionibus imitari debeant, quamque hæc imitatio ipsi quidem Patrona grata, Parochianis vero honorifica, utilisque sit futura.

VI. Potest dici, esse quosdam Doctores ejus opinionis, quod quibusdam Sanctis ex speciali favore duo Angeli Custodes sint dati. Quidquid autem sit de veritate hujus sententiæ, adhuc tamen in alio sensu verissimè affirmari posse, dico cuivis

cuius Homini in certa Parochia degenti Custodes esse concessos, Angelum scilicet, & Hominem, illum videlicet Sanctum, qui, uti Templi, ita & omnium Parochianorum Patronus & Custos est, unde sicut, teste S. Bernardo in Ps. Qui habitat, mira dignatio & verè magna dilectio charitatis est, quod Angelis suis mandaverit, ut custodiant Homines in omnibus viis, ita similis quoque aestimatio beneficij illius, quo alterum nobis Custodem, Patronum videlicet Templi attribuit, concipienda est. Deinde verò sicut SS. Angelis Custodibus idem S. Bernardus jubet tria officia seu obsequia exhiberi, reverentiam scilicet pro praesentia, devotionem pro benevolentia, fiduciam pro custodia, ita hæc eadem etiam erga S. Patronum Templi observanda sunt, id quod copiosius partim ex cit. S. Bernardi sermoné, partim ex natura singulorum horum obsequiorum demonstrandum est.

### C A P U T V I .

#### Quomodo Conciones in primitiis Neomystarum institui debeant.

##### *Thema.*

Simile est Regnum cœlorum homini Regi, qui fecit nuptias filio suo. Matth. 12.

##### *Scopus.*

Dignitas & officium Sacerdotis Explicanda; Et quid à Laicis ipsi debeatur, ostendendum.

##### *Syllogismus principalis.*

Dignitas summa requirit in possidente magnum virtutum apparatus, & in aliis magnam Reverentiam; At qui Sacerdotis dignitas est summa, Ergo &c.

### E X O R D I U M .

Dum hodiernam festivitatem considero, omnia videntur nuptiis simillima; nam sponsus est Christus, sponsa anima Sacerdotis, choraules Angeli, Hospites SS. Trinitas & Calices cum hominibus praesentibus, Convivium Eucharistia, salutis de Laico in clericalem statum, de infima ad summam di-

Q 5

gnita-